

BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJE BOSNE I HERCEGOVINE
Broj: 04/1-19-35/12
Sarajevo, 23.02.2012. godine

Temeljem čl. 13. Zakona o Komisiji za vrijednosne papire («Službene novine Federacije BiH», br. 39/98, 36/99 i 33/04) i čl. 15. st. (2) Zakona o preuzimanju dioničkih društava («Službene novine Federacije BiH», br. 7/06), Komisija za vrijednosne papire Federacije BiH, rješavajući po zahtjevu za odobrenje tender ponude za preuzimanje društva Mlinpek d.d. Bugojno, podnesenom od društva Mlinpek-Žitar d.d. Jajce, na 339-oj sjednici održanoj 23.02.2012. godine, je donijela

R J E Š E N J E

1. ODOBRAVA se tender ponuda za preuzimanje društva Prehrambena industrija „Mlinpek“ otvoreno dioničko društvo Bugojno, sa podacima:

- Naziv emitenta: Prehrambena industrija „Mlinpek“ otvoreno dioničko društvo Bugojno;
- Sjedište emitenta: Gornjevakufska 35., Bugojno;
- Registarski broj emitenta u registru kod Komisije: 01-744;
- Iznos temeljnog kapitala emitenta: 4.500.688,00KM;
- Nominalna vrijednost dionice emitenta: 16,00 KM;
- Broj dionica emitenta: 281.293 redovnih (običnih) dionica;
- Naziv ponuditelja i iznos dionica koje ima: Mlinpek-Žitar d.d. Jajce, sa iznosom od 191.151 ili 67,9545% redovnih (običnih) dionica;
- Broj dionica emitenta koje su predmet tender ponude: 90.142 ili 32,0455% redovnih (običnih) dionica;
- Ponuditeljeva cijena po jednoj dionici: 5,04 KM/dionica ili 31,7460% nominalne vrijednosti dionice;
- Društvo ovlašteno za prikupljanje ponuda: AW Broker d.o.o. Sarajevo;
- Mjesto prikupljanja ponuda: putem brokerske kuće AW Broker d.o.o. Sarajevo;
- Rok trajanja javnog poziva: 30 dana od dana objave tender ponude.

2. Ponuditelj je obavezan u roku od 5 (pet) dana od dana prijema ovog rješenja, objaviti informaciju o tender ponudi na način propisan čl. 26. st. (1) Zakona o preuzimanju dioničkih društava («Službene novine Federacije BiH», br. 7/06),

3. Ponuditelj je dužan tender ponudu, jednovremeno sa objavljivanjem, dostaviti izravno burzi i emitentu na način propisan čl. 26. st. (4) Zakona o preuzimanju dioničkih društava.

4. Rješenje stupa na snagu danom donošenja i objavit će se u Službenim novinama Federacije BiH.

O b r a z l o ž e n j e

Društvo Mlinpek-Žitar d.d. Jajce je podnijelo zahtjev za odobravanje provedbe tendera za preuzimanje društva Prehrambena industrija „Mlinpek“ otvoreno dioničko društvo Bugojno. Utvrđeno je da je provedba tendera, ugovorom, povjerena brokerskom društvu AW Broker d.o.o. Sarajevo, koje će vršiti prikupljanje ponuda.

Podnositelj zahtjeva je uz zahtjev dostavio tender ponudu sa elementima propisanim Zakonom o preuzimanju dioničkih društava («Službene novine Federacije BiH», br. 7/06); dokument o pravnom poslu shodno čl. 14. st. (4) pod a); ugovor sa bankom depozitarom i ugovor sa brokerskim društvom koje je, putem tog ugovora, ovlašteno za prikupljanje ponuda kao i dokaz na ime naknade Komisiji, čime je postupljeno suglasno propisanom u čl. 14. st. (4) Zakona o preuzimanju dioničkih društava, pa je odlučeno kao u dispozitivu ovog rješenja.

Pouka o pravnom lijeku:

Ovo rješenje je konačno i protiv njega nije dopuštena žalba, ali se može pokrenuti upravni spor. Upravni spor se pokreće tužbom kod Kantonalnog suda u Sarajevu u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prijepisu.

Predsjednik
Komisije za vrijednosne papire
Federacije Bosne i Hercegovine

mr Hasan Čelam

Dostavljeno:

- AW Broker doo Sarajevo, Džemala Bijedića 144., Sarajevo;
- Mlinpek d.d .Bugojno, Gornjevakufska br. 35., Sarajevo;
- Raiffeisen bank BH Sarajevo, Zmaja od Bosne bb., Sarajevo;
- Registar vrijednosnih papira u FBiH;
- evidencija;
- a/a.